

Boleh diketepikan kiranya gagal  
dapat penyertaan bumiputera

75

**ICATAK**

**WAJIB**

**- DR. M**

11.MJ 27 MAR 1978

**PULAU PINANG 26 Mac — Syarat Akta Penyelarasan Perusahaan (ICA) yang menghendaki tidak kurang dari 30 peratus saham projek-projek perkilangan diuntukkan kepada bumiputera adalah fleksibel dan bukan merupakan satu syarat wajib, tegas Timbalan Perdana Menteri, Datuk Sri Dr. Mahathir Mohamad hari ini.**

Beliau yang juga Menteri Perdagangan dan Perindustrian bagaimanapun berkata, peruntukan saham bagi bumiputera itu akan hanya dapat diketepikan sekiranya syarikat berkenaan gagal mendapatkan pihak bumiputera yang sesuai untuk membeli saham-saham ekuiti, walaupun ia telah mencuba se-daya upaya.

"Dalam hal ini, syarikat itu bolehlah mematuhi syarat yang telah diluluskan selepas beberapa tahun apabila saham-saham yang diperuntukkan itu tidak perlu dijual dengan harga muka, tetapi menurut harga pasaran yang dipersetujui bersama," katanya.

Berucap di perayaan ulangtahun ke 75 Dewan Perniagaan Cina Pulau Pinang di sini hari ini, Dr. Mahathir menekankan bahawa pelaksanaan syarat ini adalah fleksibel dan tidak ada projek yang telah ataupun yang akan ditahan dari dilaksanakan semata-mata kerana ia tidak dapat memenuhi syarat ini.

Dalam projek perkilangan, hampir kesemua projek yang melibatkan penyertaan ekuiti rakyat Malaysia adalah dikehendaki menguntukkan sekurang-kurangnya 30 peratus dari saham yang dikeluarkan untuk dijual kepada bumiputera.

Dr. Mahathir berkata, kerajaan juga sedia menimbang untuk mengeneppikan syarat-

Menurutnya, setakat ini belum ada satu perusahaan perkilangan pun yang ditolak permohonan bagi mendapatkan lesen semata-mata kerana akta tersebut.

Beliau menyeru pekilang-pekilang yang belum lagi memohon lesen ICA supaya berbuat demikian segera kerana jika tidak tindakan undang-undang akan diambil terhadap mereka.

Dr. Mahathir memberi jaminan kepada para pelabur bahawa kerajaan tidak akan menjejaskan kegiatan mereka yang telah mendatangkan hasil kepada negara.

Beliau menggesa mereka yang mempunyai masalah supaya mengemukakan dan menjejaskan di mana tindakan perlu dan patut diambil untuk membetulkan anomali.

Kerajaan tambah beliau, telah membuktikan dari masa ke masa bahawa ia bersikap fleksibel dan melayani tuntutan dan masalah-masalah yang realistik dari sektor swasta.

Dr. Mahathir menjelaskan, pada mulanya di bawah Akta Penyelarasan Perindus-

**LIHAT MUKA 16**  
(Ruangan 5)

## Dikecualikan dari peruntukan akta

27 MAR 1978

**DARI MUKA**

trian semua projek perkilangan dikehendaki mendapat kebenaran, tetapi sekarang ini hanya memerlukan kegiatan perkilangan yang tertentu besarnya supaya dilesenkan.

Projek-projek yang menggunakan wang pemegang saham di bawah \$250,000 dan yang menggunakan kurang daripada 25 orang pekerja sepenuh masa sekarang ini dikecualikan daripada peruntukan akta ini.

Timbalan Perdana Menteri menegaskan bahawa tujuan utama akta tersebut ialah untuk menjamin pengluasan industri secara tersusun dan bukan untuk menghalang, mencegah atau menghadkan pertumbuhan pelaburan swasta di negara ini.

Beliau berkata, sekiranya akta tersebut benar-benar bertujuan sebaliknya, sudah tentu para pelabur yang ada sekarang tidak akan memperbesarkan projek-projek mereka atau

melibatkan diri dalam pengeluaran barang-barang baru.

Menurutnya, dari jumlah 394 permohonan yang diterima pada tahun 1976, sebanyak 183 adalah dari para pekilang yang sedia ada yang memohon kelulusan untuk meluaskan kegiatan mereka.

Begitu juga pada tahun lalu dari sebanyak 429 permohonan yang diterima, sejumlah 150 adalah untuk meluaskan industri mereka.

Dr. Mahathir menambah, jawatankuasa khas pelaburan yang diketuai oleh beliau sendiri sedang memerhatikan semua agensi yang terlibat dengan pelaburan dengan tujuan menyelaraskan kegiatan mereka serta mengurangkan peraturan-peraturan birokratik seberapa yang boleh.